



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Bernardini Scardaeonii Patauini Presbyteri de Castitate
Libri Septem**

Scardeone, Bernardino

Venetiis, 1542

De agresti exercitio, & rustico opere faciendo cap. xxix

urn:nbn:de:hbz:466:1-30433

L I B E R S E P T I M V S.

In aliis omnibus, magna est semper habenda ratio uā letndinis, & decori. Genus autem exercitationis id erit præcipuum, deambulatio frequens, pila, saltus, cantus, & eiusmodi: dummodo hæc alioqui per etiam liceat, & ordini, & loco, & tempori quadrantis nec commisceatur eis aliquid turpitudinis. Q uod erit sane facilius, si eiuscemodi rebus honestos uiros, & maiores natu curauerimus intresse, quorum autoritatem uertamur. Opus uero exercitationis, unicuique uel maioris, uel minoris, uel huius, uel illius, pro habitudine corporis, & qualitate personarum tractandum est. Insuper addenda quoque (si conduceret uideatur) rusticatio, peregrinatio, equitatio, & eiusmodi. Q uoniam si loci natura ferat, & uacet licet tibi piscibus, uel hamo, uel reti insidiari, feras laquels capere uolucres uisco fallere, uel retibus: ut alio quando uel sic, uel alio quoquis honesto exercitio, aut labore ipsum quoque diabolum fallas.

De agresti exercitio, & rustico opere factuando.

Cap. XXIX.

Ruris quoque opera, & si plus temporis exigant, attamem in primis, siue fructus, siue animi causa feceris, et iucunda sunt, et perutilia. Rus siquidem corpus alit, animum delectat, relaxat omnem tristitiam spiritus: et quæcumque ea cura fuerit, quæ implicit mentem, facile suis studiis, exercitioque dissoluit. Non enim duas simul curas admittit humanus animus, sed dum unam fouet, reficit alteram: et dum unius meminit alterius oblitus est. Quis non malari, quas amor curas habet, hæc inter oblitus est: ut eleganter Horatius. Vnde legimus apud

O O **iii**

DE RATIONE COERCEN. LIBID.

Ciceronem, Lelium, & Scipionem viros clarissimos, que sapientissimos ad deponendas grauiores curas rusticari sape solitos, & tunc (ut ille refert) incredibiliter et puerascere, quum rus ex urbe, tanquam è uinculis, euolat uissent. In rusticis quidem moribus (ut idem refert) & in uictu arido, & in horrida, & inculta uita, maleficia, qualia in urbibus, non gignuntur. Conducet ergo pudicitiae uehementer, siue ruri, siue in urbe degas, in opere agresti te seorsum à frequetia quādōq; in tuo, uel agro, uel hortulo curiosius exercere: non tamen rustico, & imperito more, & usq; ad lassitudinem, sed animi causa, urbane, et placide, cum moderamine, & ratione ualetudinis usq; ad sudorem: ut, iuxta illud nostri creatoris elogium, in sude re uultus tui uescaris pane. De hortulo sic perbelle Vergilius. Oblectat hortus, auocat, pascit, tenet, Animoq; moesto demit languores graues, Membris uigore reddit, & uisus capit. Refert labori plenioram gratiam, Tristitiae colenti multiforme gaudium. Neque enim erubet scandum esse cuiquam arbitror, si callosam ex eo opere gestet manum, & sentiat inde digitorum articulos sibi alio quanto fieri duros. Opus manuum tuarum (ut ait propheta) quia manducabis, beatus es, & bene tibi erit. Cui nam quælo mirum uideri debet, atq; haberi eo nomine indecens, uel indignum: q; agreste opus, atq; olitoris officium ineundum, pro subigenda proteruia carnis dicat quum & olim à nostris maioribus (ut legitur in decretis libis sanctis) etiam præceptum fuerit, ut sacerdotes mane, expleto matutinali officio, & perfoluto penso suæ seruitutis, uidelicet prima, tertia, sexta, nona, & uespera (ita ibi scribitur) exeant ad opus rurale in agru: ut suo potius labore, quam mercatura, ullove alio turpi lucro comparent sibi necessaria. Legimus item in sacris literis. Non oderis laboriosa opera, & rusticationem creatam ab altissimo. Celebratur & apud gentiles illud Apollinis à Gige tunc amplissimo terrarum rege, consuli admis-

Gen. 3.

Psal 127.

Eccle. 7.

LIBER SEPTIMVS.

293

Tandem responsum: quo Aglaum Prophodium agricola rege ipso adiudicauit esse multo feliciorem: & is in angustissimo Arcadiæ angulo exiguum quidem agellum, sed anno uictui large suppetentem coleret: & ibi paruo contentus, omni deposita cura, liber, & absq; metu, ac molestia uiueret. Fuit olim profecto & monachorum proprium operari manibus, & inde ex proprio labore sibi uictum cōparare: ne domi umbrati, ac ociosam & sellulariam, ut mulieres, uitam ageant. Sed neque Paulus ille uas electionis erubuit apostolicis manibus operari, ut ex iusto labore suo sine alte rius damno, uel incommodo sibi necessaria prouideret. Quo circa tibi quoq; graue esse non debet, uineta, fructuariaq; uarii generis certo ordine tuis saepe manibus serere: atque etiam suis temporibus putare transferre: inq; serere, sepire, circinfodere, stercorari: ut ex istis suis postmodum laboribus, ultra & carnem domasti, iucundos etiam, ac uberes capere fructus possis: quos tam amicis quam egenis liberaliter, pieq; aliquando dispartias. Huic insuper, ne quando uaces, quum opus fuerit, sarcis to, & exherbato, interuellito, repurgato, fodito: areas uerto, semitas distinguito: & cuncta deniq; affabré tua arte, & cura potiusq; labore disponito. Varia subinde olera, uel ad delectationē, uel in usum medicaminis, uel quibus tuipse cum tuis salubriter, frugaliterq; uescaris, ex lectis seminib; omnis generis serito. Sit tuus iste hortulus optime cultus, iucunde ornatus, ingeniose compositus: operaq; & labore suo semper uernans, semper irrigans. Iste lactucæ aptè sedeant, & litatim, Brasicaq; ex seminario translata pari intervallo consurgat, Allia quoque ibi porri, cœpeq; uirescant. Serpent cucumeres, pones, cucurbitæ, raphani. Adsinunt napi, rapæ, pestinaca, betæ, petroselinon, papauera, crocus, coriandrum, melliophilos, seu boracum, millefolium, hysopum, asparagi, apium, anetum, ruta, sinapis, caparis, si tamen, locus ferat.

4.COR .4.

DE RATIONE COERCEN. LIBID.

Menta quoq; nasturcium, inula, satureia, feniculi, man-
biuum, thimus, endiuiaq; & defossa, & libera, cichorea,
bulglossus, pimpinella, maluæ. Spiret istuc etiam suavitè
amaracus, serpillum, pulegium, saluia, absynthium, piperis
tis, rosmarinus. Nec absit præterea, faba præcoqua, &
pisum, quod suis suffultum adminiculis frugem afferat.
Eruca uero, & bulbi, & quicquid amicum est ueneri pro-
cul esto: nisi forte uel opus his sit familiæ, uel usui me-
liori seruentur. Alioqui uideberis imitari attalum Philo-
matorem, qui regio horto aconitum, & cicutam, & alias
herbas mortiferas fertur studiosius coluisse, quam salu-
bres. Rosas etiam, & lilia, & uiolas, & flores id genus
milie, qui uitæ nobis uanitatem demonstrent, spirare
ibi odores suos, minime uetandum puto. Adsit quo-
que, si placet, & Heliotropium, quod solis conspe-
ctum sese conuertens nubilo etiam obumbrante indi-
cet tempus, horasq; diei. Exornent insuper locum
Lauri, Mirti, Cupressi, Iuniperi, & eiusmodi arbo-
res aspectu pulcherrimæ, uel si magis placet, frugi-
feræ: qualis est arbor Punica, ac Persica, Fici, Ma-
li, Sorba, Mespili, Pruni, zinziphi, Mala, Cotonea,
Citrea, Pyri, Amigdali, Tuberes, Caroli, & eiusmo-
di. Ibi te Buxus quoque in uarias detunsa animalium
effigies: atque indiuersarum rerum formas, & conte-
xtum ex aliis arbustulis topiarium opus amena sua
uiriditate detineat. Istinc tibi de collibus, aut in plas-
to uineta frondeant, & præcoces uinas, & apricas
prospectes olius. Hæc sunt sane optima oblecta-
menta, in quibus possumus exerceri recte, & honeste
delectari, & fugere ocium pariterq; & tentationes
diaboli: quas ipse nobis uacantibus perignauiam faci-
le subministrat.